

大學傳註

蠡縣李嶧著

大學

大音泰大學先王教士之所也周禮教之物有三一曰六德智仁聖義忠和二曰六行孝友睦嫻任卹三曰六藝禮樂射御書數學記稱四術曰詩書禮樂孔門弟子恐世傳習其學而不識其道也故著其道爲大學篇

彈臯聞曰篇內所謂

格物卽此三物也

大戴禮保傅篇曰古者年八歲出就外舍學小藝焉履小節焉束髮

十五歲童也

而就大學學大藝焉履大節焉而賈誼新書容經篇亦言古者年九歲入小學履小節業小道束髮就大學履大節業大道內則曰子六年教之數與方名七年男女不同席不共食八年出入門戶及卽席飲食必后長者始教之

讓九年教之數日十年出就外傳寄宿於外學書計衣不帛襦袴禮帥初朝夕學幼儀請肄簡諒十有三年學樂誦詩舞勺成童舞象學射御二十而冠始學禮可以衣裘帛舞大夏惇行孝弟博學不教內而不出三十而有室始理男事博學無方孫友視志十五以後則大學之學也與小學同此道藝但使之從小入大耳

誠意以至治平下皆有覆明之文而致知格物無者以致知之功在於格物而格物之事即在大學作書者之時大學教法尙在不必言也惟恐時之學者浮游其物而體用不實故指其道曰在明親止善然明親之道舍學何由故又曰致知在格物今釋其文曰大學之道在誠意正心修身齊家治國平天下而欲平天下治國齊家修身正心誠意者先致知致知在學則瞭然矣脩齊條言人情偏向之弊而未言範圍之禮樂治平條言理財用人宜絜矩

而不言田賦勸省選舉計察之實政亦以孔孟時周官大學成法俱在無事
詳言故專言其道之先後相需以示學者所趨也若不解此而於近者古法
耗斲之時徒讀大學一篇以爲學教實法盡是則又誤矣譬之言成衣然成
衣之道在成單衣在成緼袍在單衣緼袍皆成之甚佳以識其綱又衣有領
有袂有身有齋領欲闔袂欲便利身欲正齋欲齊以列其目而尙非成衣之
實事也實事則用剪用鍼用線之類也師以是教弟以是學也朱晦庵曰大
學是一腔子須填實此言得之

大王草堂二經彙刻曰自程明道移易大學而伊川再易是弟不以兄爲然也
二程之學遞傳至於朱子朱子遞傳以至王柏乃朱子再爲移易分原文一
篇者爲十章曰一經九傳而又補一傳王柏又削補傳移知止至則近道矣
於後合聽訟節爲釋格致是徒不以師爲然也嗣後蔡清季本葛寅亮豐坊

弇州後渠皆有改本是後儒不以先儒爲然也何如恪遵原文焉有異同况原文載在註疏其板歷藏國學非一時一家之書今改本變亂無所底止自當復原文以正之

大學之道在明明德在親民在止於至善

道路也言大學之路在於成己成物也德者性之仁義禮智也明明見於詩書明而又明也卽下文日新又新學脩恂慄威儀之功也孟子江漢以濯之秋陽以暴之明明德之象也親如保赤子也養也教也止者至於是而不遷也至善中也如佛老之空虛以爲明心見性雜霸之權術以爲治平非善也知止而后有定定而后能靜靜而后能安安而后能慮慮而后能得

接止至善而明其始於知知止而后定靜安慮明親可得所止焉定事定於一也靜無妄動也安居之安也慮思慮詳愼也

物有本末事有終始知所先後則近道矣

明德親民之具物也如禮也非禮不動所以脩身本也齊民以禮末也事其物事也知始也得終也

古之欲明明德於天下者先治其國欲治其國者先齊其家欲齊其家者先修其身欲修其身者先正其心欲正其心者先誠其意欲誠其意者先致其知致知在格物物格而后知至知至而后意誠意誠而后心正心正而后身修身修而后家齊家齊而后國治國治而后天下平

明明德於天下者章明其德於天下也

註疏

如書所言光被四表是也脩身卽

下文忿懣恐懼好樂憂患之用視聽食息之事皆脩之使無愆差如禮頭容直氣容肅立容德色容莊聲容靜口容止目容端手容恭足容重皆修身也心身之主也正卽下文心在也謂正在中也不論無念有念無事有事皆敬

以直內則有以檢其身而後身可修也意心所之也欲爲修齊治平之事也誠者欲爲修齊治平也則如好好色欲不爲不修齊治平也則如惡惡臭不苟且或中止或外飾而自欺也如是則意定於一而後放心可求也知心之覺也致推極也如修齊治平何爲至善何爲非至善明其當止之處而后意可得而誠也物大學中之物如三物四術修齊治平之具上文物有本末是也格至也學習其物必至其域造其極也論語博學於文是也博學於文則明親之道知矣知而後可誠意以正其心而行之於身於家於國與天下也論語所謂約我以禮齊民以禮也此列明親之目而見其先後之序如此意誠以下遞有所得也

自天子以至於庶人壹是皆以修身爲本其本亂而末治者否矣其所厚者薄而其所薄者厚未之有也此謂知本此謂知之至也

自此以下皆覆明上文明德親民先後之序也格物以致知卽大學共習之事孔門時所共知不必覆明誠意以下則作大學者特列明親之目故遞釋之而誠意爲明親之首故特釋之心所欲爲之事曰意君子旣入學以格物致知矣則意在正心脩身齊家治國平天下矣然以此爲善而非如好好色以誠於爲以不如此爲惡而非如惡惡臭以誠於去是意不誠也自有此意而自二三之是自欺也何以自慊足於心乎故君子於獨念獨處之地必愼之又愼如上帝臨汝如鬼神在旁不敢以自欺則意必誠矣意亦心之發而有不同心有感感而生不感而止也有情喜怒哀樂有過不及非必分善不善也有雜念閒事冗緒無所爲善無所爲惡也有偶念偶然念及不必欲爲其事且或有不能爲者也此皆宜用正心之功心正則能照能攝雜者一妄者息矣若此誠意之意則有事焉而欲爲之也卽欲爲大學之事也故曰如

惡惡臭如好好色故後文小人亦曰爲不善先儒有以意爲主意者愚謂意不必訓主意而誠之則主意定矣自此心可正身可脩而明親之事在所必爲矣外此又有爲惡之意則下文小人之意非大學誠意之意也蓋君子誠意誠於爲善去惡之意也故曰不自欺小人亦誠意誠於爲惡去善之意也故曰誠於中惟庸人浮學一意以爲道又一意曰姑勿爲是之謂不誠

小人閒居爲不善無所不至見君子而后厭然揜其不善而著其善人之視已如見其肺肝然則何益矣此謂誠於中形於外故君子必慎其獨也

閒居卽獨也厭然消沮閉藏也言小人不能慎獨以至惡見於外而不可揜君子之所戒也

曾子曰十目所視十手所指其嚴乎

嚴畏敬也承上而引曾子之言言慎獨者之慎如十目視之十手指之如此

其嚴憚也

富潤屋德潤身心廣體胖故君子必誠其意

胖大也

鄭註

其嚴如此則誠意而身心俱攝可正可修有德矣故心以廣體以

胖

詩云瞻彼淇澳萋竹猗猗有斐君子如切如磋如琢如磨瑟兮僖兮赫兮喧兮有斐君子終不可諠兮如切如磋者道學也如琢如磨者自修也瑟兮僖兮者恂慄也赫兮喧兮者威儀也有斐君子終不可諠兮者道盛德至善民之不能忘也

承上有德而言明明德之事詩衛風淇澳篇美武公也切磋治骨角者琢磨治玉石者瑟如瑟絃之密也僖嚴毅赫明盛喧宣著諠忘也恂嚴恂慄戰慄邪謂心意也有威可畏有儀可象謂身也切磋言學格物致知也

黃氏說

琢磨

言自修誠意正心修身也瑟僩赫喧覆言誠正修之狀也道言也誠意者誠於明親止善也故以下通釋之

詩云於戲前王不忘君子賢其賢而親其親小人樂其樂而利其利此以沒世不忘也

承上德盛而民不忘而言親民之事詩周頌烈文篇於戲歎辭前王文武也君子謂後賢後王賢其賢用前王所培之賢也親其親庇前王所建之親也

顏先生說

樂其樂享前王太平之樂也利其利業前王田宅之利也小人後民也

康誥曰克明德太甲曰顧諟天之明命帝典曰克明峻德皆自明也

康誥周書太甲商書帝典堯典虞書顧常目在之也諟是也天之明命卽天命之德峻大也承上言古聖如文如湯如堯皆明明德如此

湯之盤銘曰苟日新日日新又日新康誥曰作新民詩曰周雖舊邦其命維新

是故子無所不用其極

盤承盟水者銘刻戒其上也

鄭註

作新振作以新之也詩大雅文王篇周岐周

命天命之爲天子也承上言古聖新德以新民而至於新命則明德親民皆用其極也極卽至善也故下接言止至善之事惇臯聞曰自新新民而至於新命天人上下煥然一新所謂明明德於天下也

詩云邦畿千里惟民所止

以民有所止喻事物有所止詩商頌玄鳥篇按顏師古云周鎬京方八百里爲方百里者六十四籬邑方六百里爲方百里者三十六共得方百里者百是邦畿千里也閭百詩云殷都河南者三一南亳在宋州穀熟縣一滎陽在鄭州滎澤縣卽敖地一亳邑在洛州偃師縣都河北者四一故殷城在相州內黃縣一耿城在絳州龍門縣一邢國在邢州一朝歌在衛州計南亳在東

耿城在西相距雖未二千里而實不止千里商邦畿若是其大也

詩云緝蠻黃鳥止于丘隅子曰於止知其所止可以人而不如鳥乎

言人當知止也詩小雅緝蠻篇緝蠻鳥聲丘隅山角

王草堂說

詩云穆穆文王於緝熙敬止爲人君止於仁爲人臣止於敬爲人子止於孝爲人父止於慈與國人交止於信

如詩詠文王則能止至善者穆穆敬也

爾雅

緝繼續熙光明敬止小心翼翼而

明親各得所止也詩大雅文王篇

子曰聽訟吾猶人也必也使無訟乎無情者不得盡其辭大畏民志此謂知本

承上文信國人而見明德爲親民之本皆由於誠意也情誠實也無情者不得盡其辭釋子言無訟民之意誠也大畏民志釋子言使無訟上自嚴則下

皆畏君之意誠也前言修身爲本誠意則心可正身可修以及於民此其本也

所謂修身在正其心者身有所忿懣則不得其正有所恐懼則不得其正有所好樂則不得其正有所憂患則不得其正心不在焉視而不見聽而不聞食而不知其味此謂修身在正其心

忿懣怒也四者皆心之用而見於身若身有所沾滯則必其心體不正而后留固於身倒見之文也

毛河右說

身有所四句言身滯於忿懣等而不修則是心

之不得其正也心不在四句言心不正則身之視聽等自無主而不修也反覆以明修身在正心也夫心何以在則易之敬以直內也論語之立則見其參於前在輿則見其倚於衡也中庸之齊明孟子之存養也卽前文顧諟也恂慄也

所謂齊其家在修其身者人之其所親愛而辟焉之其所賤惡而辟焉之其所畏敬而辟焉之其所哀矜而辟焉之其所傲惰而辟焉故好而知其惡惡而知其美者天下鮮矣故諺有之曰人莫知其子之惡莫知其苗之碩此謂身不修不可以齊其家

辟僻同偏著也敖游放惰不竦敬言待之簡慢也親愛五者卽好惡也好惡之辟身之不修也而家之不齊立見矣故齊必先以修舐犢眯目貪夫冒苗辟狀之可笑如是

所謂治國必先齊其家者其家不可教而能教人者無之故君子不出家而成教於國孝者所以事君也弟者所以事長也慈者所以使衆也

家之所以孝親弟兄慈幼卽國之所以事君事長使衆無二道也

康誥曰如保赤子心誠求之雖不中不遠矣未有學養子而后嫁者也

孝弟慈出於天性之誠故立教於家卽成教於國言慈以例孝弟也
一家仁一國興仁一家讓一國興讓一人貪戾一國作亂其機如此此謂一言
僨事一人定國

所謂不出家而成教於國者如此仁讓卽孝弟慈一言二句古語也

堯舜帥天下以仁而民從之桀紂帥天下以暴而民從之其所令反其所好而
民不從是故君子有諸己而後求諸人無諸己而後非諸人所藏乎身不恕而
能喻諸人者未之有也

承上文一人定國言齊家而治國本於修身也仁該讓有仁於己而后求人
之仁無暴於己而後非人之暴是藏身者恕也不然民必不從
故治國在齊其家

一束